



# Bájkkeavijssa NuorttaSálto

## Julevsáme musihkka mánájda ja nuorajda

Tæksta: Kitty Skapalen  
Gáva: Åsa Lindstrand  
Járggálibme:  
Divte Media AS/Lars Th. Kintel

Julevsáme musihkka-  
birás le oalle  
unnagasj, ja dássju  
muhtem gallegattja li  
skierrov álgus  
vaddám. Jáhkå-  
máhken li buvtadam  
vuostasj julevsáme  
CD:av mánájda ja  
nuorajda.

Skierro "Buoremus ájgge" ilmoduváj  
guokta jage dássta ávdđála ja le julevsáme  
mánájda ja nuorajda dagáduvvam. Nuorra  
nissunguovtes Sara Aira Fjällström ja  
Mandy Senger libá skierrov buvtadam.  
Sara le guhkev læhkám áhpadiddje  
julevsámegiellan ja suv vájmmoássje le  
gielav æláskahttet. Uddni le sán  
Jáhkåmáhke Sáme Áhpadusguovdátja  
oahppe madi Mandy barggá áhpadiddjen  
Jáhkåmáhke sámeskávlán. Sán le aj  
filmmamusihkav buvtadime muhtem  
dokumentárafilmajda.

- Mán lev agev musihkajn gillum ja  
lávllagijt tjállám, ja aktan Katarina Rimpijn  
lev duola dagu Jáhkåmáhke márnánin  
konsertav ásadam.

Jagen 2005 oassálastij Mandy muhtem  
giellakursan mav Sara ásadij, dáppe  
goappátja nubbe nuppet arvusmahtijja ja  
ájálvis ádá mánnálávllagijt tjállat ja CD:av  
buvtadit riegáduváj. 2005 tjavtja tevstaj  
ja musihkav tjállájga.

- Gávnu nubbe mánájed julevsámegiellaj  
valla danna li tevsta dárogielas  
járggáluvvam ja máná ietja lávllu. Sidájma  
juojddáv ietjá dájna skierrojn gánná lin  
tevtajt ja melodiajt ietja tjállám, javllá  
sán.

### Viehkke

CD-buvtadibmáj moaddása oassálasstin,  
muhtema korrektuvrav læhkin tevtajs,  
musihkkára gudí lávllun, moadda  
studioteknihkkára, buvtadiddje, dájddára



Mandy Senger ja Sara Aira Fjällström ávdedibá julevsáme musihkav mánájda ja álessjattugijda.  
Mandy Senger og Sara Aira Fjällström fremmer lulesamisk musikk rettet mot både barn og voksne.

ja hábbmijiddje ja iektjáda gudí viehkedin  
skierrov buvtadit. Duodden oattjoj  
prosjækta ekonomalásj dárjav duoppet-  
dáppe.

- Átsájma vuostak rudájt álles buvtadibmáj  
valla ejma oattjo ja de mierredijma ajtu  
gæhhtjalit, moaddása li viehkedam ja  
musihkkára ja aj buvtadiddje li mávso dagi

barggam. Mañenagi muhtem sponsorrudá  
oattjojma, tjielde máksin vehi ja  
mañemussaj unneplågiellarudájt ja  
kultuvrrarudájt oattjojma. Biehtsemáno 18.  
biejve 2007 gárveduváj "Buoremus ájgge"  
ja dav ávvudalájma konsertajn Ajtte  
musean Jáhkåmáhken.

### Lávllaga ja gáritjisá

Tevsta li luondojs ja iellijs bájnedeuvvam  
ja li aktij biejaduvvam gáritjisájda váj  
máná giehebut gielav lulu oahppat.  
Svierigin skierro viehkenævvon anedeuvvá  
skávlájn.

Mandy le aktan Katarina Rimpijn moadda  
konserta ásadum, valla æbá la ájn  
Divtasvuonan manádam.

- Akti ájgenis lij miján muhtem aktijvuohta  
Divtasvuona suohkanijn, valla ittij dassta  
mige sjatta. Iv állu diede manen. Valla  
báhtin galla jus gáhtjoduvvin, javllá  
Mandy.

Karl Edvard Urheim Måskes lávllu avtan

lávllagin.

- Munnun le aktijvuohta julevsáme  
birrasijn vuona bielen, ep la ham mij nav  
moattes ja dábdđáp guhtik guojmáma,  
javllá Mandy.

Dállá libá ádá skierrov buvtadahttjám, dá  
bále álessjattuk buolvvaj.

- Ájggun skierrov boahhte tjaktjaj almodit.  
Báhtin galla Divtasvuodnaj mánnálávllagij  
ja ádá skierrojn.

*Gánná dáv CD:av oasstet máhttá?*

- Guhti sihtá skierrov oasstet máhttá  
mannat næhttabájkkej

[www.buoremus.com](http://www.buoremus.com) jali njuolga mujna  
guládallat telefavnán +46 70 63 71294  
javllá Mandy. Skierro máksá SEK 140 ja  
duodden suvddem SEK 40.

- Buvtadijma tuvsán skierro ja buoragit li  
jáhtám valla ajtu li munnun ájn vil  
báhtsám, válde beri aktijvuodav, hasot  
Mandy Senger.

